

Tunissutisisarneq pillugu kaajallaasitaq

Inatsisartut Naalakkersuisullu pillugit Inatsisartut inatsisaat nr. 26, 18. november 2014-imeersumi § 23 naapertorlugu, Namminersorlutik Oqartussani sulisunut tamanut aalajangersameqarpoq imaattoq:

Kapitali 1

Tunissutisisameq

§ 1. Aallaaviatigut Namminersorlutik Oqartussani sulisut sulinerminnut atatillugu tunissutininik tiguseqqusaanngillat.

Imm. 2. Atorfilik, inummit suliffeqarfimmilluunniit tunissummik neqeroorfigineqartoq, tunissummik tigussissanngilaq, tamanna pisortani atorfeqameranut attuumassuteqarpat.

Imm. 3. 1mm. 1-imi aalajangersagaq atuuppoq, tunisiniartoq pisortani suliaasiisimappat suliaasiinikuusimappalluunniit.

§ 2. Inuttut aaqqissuussinermut tulluartumik nalinginnaasunut atatillugu atorfillit tunissutininik tigusaqarsinnaatitaapput, soorlu nalliuttorsiortoqartillugu aamma soraartoqartillugu.

§ 3. Atorfillit tunissutininik qujaniutinik tiguisinnaapput, tunissummik tiguserusunnginneq tunisisumut mamiatsatsitsinertut isigineqarsinnaappat.

Imm. 2. Atorfillit sulinerminnut atatillugu nunanit allanit tikeraartoqartillugu tikeraartillutilluunniit nalinginnaasumik tunissutaasartunik tiguisinnaapput.

Imm. 3. 1mm. 2 malillugu tunissut kr. 300-nit sinnerlugit naleqarpat, taanna sulisup atorfeqarfianut tunniunneqassaaq.

§ 4. Atorfimmut suliamulluunniit attuumassuteqaanngitsumik ajunngitsorsiassanik tigusineq soorlu nerisitsinerit, angalanerit, kulturikkut aaqqissuussinerit, hotelimiinnerit, ilinniagaqameq assigisaaluunniit tunissutininik tigusinermut naligiissitaassapput.

§ 5. Kaajallaasitaq ulloq 1. februar 2015-imi atuutilersinneqarpoq.

Naalakkersuisut Siulittaasuata N aalakkersuisoqarfia, ulloq 29. januar 2015

Kim Kielsen (sign.)

/

Svend Hardenberg (sign.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut